

睢寧縣志卷二道光十一年十月初八日申時未刻兌方天鼓鳴同時有火光

知縣劉如晏鑒定

訓導沈紹藩較閱

貢生李 杰編纂

疆域

古者分土惟三百里七十里五十里別其疆域子孫
世世守之郡縣以後大牙相錯而疆域各殊所以別
一職守嚴防汛備稽察也其道里廣袤遠近扼塞險易
之處星羅碁布不可得而混焉志疆域

縣治東抵宿遷西抵靈璧南抵虹縣北抵邳州自至元

睢寧縣志

卷一

疆域

一

十二年析下邳置睢寧縣以睢水貫於其中故名卽史
所稱楚漢夾水而戰之故地也其疆域廣一百三十里
袤八十里東至宿遷梅村橋界四十里西至靈璧保林
界九十里南至虹縣益道界三十里北至邳州黃河南
岸五十里西北到徐州一百八十里東南到淮安府治
三百里南到江寧府省會水路八百一十里陸路五百
三十里東南到蘇州府水路一千零二十里西北到
京師順天府水路二千七百里陸路一千七百七十里

鄉社

子仙鄉十社

坊郭社

水南社

堽頭社

子仙社

宋家山社

五分社

辛興社

湖山社

高堽社

余家渡社

招義鄉十社

桃源社

青羊社

黃山社

白山社

董家莊社

劉家莊社

木家橋社

義陳社

大村社

木社

高景鄉七社

睢寧縣志

卷一 疆域

二

高作社

凌城社

浪子社

瓜婁社

陶河社

芹溝社

池山社

大盈鄉七社

竹城社

師村社

泥溝社

李家莊社

靳家灘社

辛安社

馬家淺社

已上共四鄉三十四社內木社桃源青羊大村浪子

陶河木家橋黃山白山義陳辛安董家莊劉家莊馬

淺一十四社考邳志昔屬於邳自明初洪武十四年

分屬睢寧附記於此

又邳州衛五十營大半坐落睢寧縣境內邳衛裁汰
其屯糧歸併邳州人居睢寧籍屬邳州其錢糧每逢
徵比軍民互相推諉康熙五十七年因將衛戶置買
睢寧民地於各坐落社分另立寄社以別之

集鎮附

南關集 湯家集 王家林集 南邱家集

找溝集

東關集 高作集 沙家集 東南新王家集

袁家集

北關集 康熙四十一年自廟灣移入城內五十六年自城內移出北關 龍家集

魏家集 姚家集 永興集

李家集 西王家集 三村集 朱家集

興隆集 高興集

木社店 占城李家集 王家集

順河集

舊志所載子仙辛安沙坊 沉入河內 埭頭曲期曲頭楓山
嵐山瑩桂王家營澗頭營鞍子墩小舖官莊各集俱
久廢

舖遞附

縣前五舖

縣前舖

高作舖

沙家集舖

蔣家莊舖

土橋舖

蔣家莊爲睢宿交界之地舊無舖址康熙五十六年

知縣劉如晏買蔣國卿地一畝除糧捐蓋舖房一所

沿河十三舖

古堤舖

窩子舖

瓜婁舖

古宅舖

張林舖

下河舖

塘池舖

戴家樓總舖

睢寧縣志

卷一 疆域

四

義陳舖

辛安舖

木橋舖

癩角舖

馬淺舖

舊志有縣前總舖今改曰縣前舖而於沿河十三舖

內以戴家樓爲總舖緣此舖當東西南北之衝舊無

舖基康熙五十六年知縣劉如晏捐蓋舖房一所

舊志又載大村蔡上曲期師村木社余家渡溝汪廬

溝土橋卽賦役全書所謂偏僻九舖也今木社舖卽

戴家樓總舖與土橋舖存餘俱廢而縣前各舖志旣

未收全書亦不載工食豈闕畧歟抑縣境舊所經行

由此九舖歟抑全書舊載遞馬豈縣境公文由馬遞歟册籍無徵而訪問亦無據諸事類如此矣

一縣前舖東十五里至高作舖又東二十里至沙家集舖又東十三里至蔣家莊舖交宿遷界二十五里至

小河舖

一縣前舖西北二十里至小舖又二十八里入沿河戴家樓總舖至邳州舊城五里

一縣前舖西南五十里至土橋舖分路一達虹縣一達

靈璧

睢寧縣志

卷一

疆域

五

一戴家樓總舖西北十里至塘池舖又西十里至義陳舖又西十里至辛安舖又西十里至木橋舖又西十里至癩角舖又西十里至馬淺舖又西五里出縣境十里至雙溝舖

一戴家樓總舖東南十里至下河舖又東南十里至張林舖又東南十里至古宅舖又東南十里至瓜婁舖又東南十里至窩子舖又東南十里至古堤舖出縣境十八里交宿遷縣曹莊舖

坊表

附

澄清坊 在察院前

養正坊 在縣治前

儒林坊 在學前

化龍坊 在學東

青雲得路坊 在學前

躍龍坊 在南街永樂癸卯科為湯思恭建

鶚薦坊 在縣西街永樂辛卯科為楊善建

進士坊 在城南街正德戊辰科為街正德建

登雲坊 在城西街成化甲午科為朱迪建

流景綿麻坊 天啟三年為王應乾建

以上諸坊今俱廢

節孝坊 在黃山社康熙二十六年奉旨為故生員李滋妻節婦房氏建

橋梁 附

白龍橋 在縣南二里

呂公橋 在縣南二十里

睢寧縣志

卷一 疆域

六

戚家橋 在縣南二十五里

通濟橋 在縣北關外

永惠橋 在縣北關外

佘家橋 在縣東二里

姜家橋 在縣東十五里

化龍橋 在學門西

青雲橋 在學前教諭孫大經建今廢

邵公橋 在縣西南十五里邵公輸財建故名

通水橋 共五座在城內各巷口申其學建今廢

山川

萬物本乎土山者土之骨幹川者土之脉絡也故禮諸侯祀封内名山大川今制郡邑舉祭於春秋上戊其遺意矣睢西北多山東南沃衍泗水久并於河睢水淤沒黃河日高於地形勢不能無變遷爰考舊文叅所聞見志山川

羊山治北五十里向在河南後因黃河南徙遂隔於北上有古剎成化時建現存商文毅公輅碑文枕葛嶧帶黃流爲睢八景之一

象山治北四十五里三面據河旋繞如帶上有明義士

王台輔墓

另有傳

張龍山治西北七十里上有龍神廟下有一塘深約二丈餘闊一丈五尺三面俱石障上有石蓋狀若瑩壙以爲龍潭云其東北相連小山名曰綿山舊志載有

介子推墓

正誤說見陵墓

龍泉山治西北八十里山勢高聳綿亘如環岸外臼中中有巨突上建古剎一曰堦寺又曰龍泉寺山之陽有上中下三泉冬夏不涸林泉清幽爲睢巨觀

鳳凰山治西北七十里山形似鳳時出慶雲八景中鳳

山雲氣卽此

是山入一統志

澗頭山治西北六十里山下有大澗故名平岡有泉水

味甚甘冬夏不涸

黃山治西北八十里山腰有黃華峒可容數十人因地

近圮橋相傳黃石公隱栖於此又名黃石峒邑人別

駕李枝萼撰文勒碑於其上

社名黃山以此

大黃山治西北七十里綿亘高聳爲河北諸山之宗

白山治西北六十里北臨大湖今沙淤

社名白山以此

絆河山治北五十七里按府志因泗水施繞故名後黃

河侵奪泗水故道亦三面旋繞此山今河雖南徙而

水道之旋繞如故

舊志作半戈
今據府志改

花山治西北八十里山東北麓產大花石色赤嵌空玲

瓏故名山之陽有節孝坊康熙二十六年五月初四

日春

旨爲邑庠故增廣生員李滋妻房氏建

傳見藝文

英公山治西北八十里舊志載有唐英國公李勣墓

正誤

說見陵墓

壽鹿山在英公山東北三里山有多槐亭東南臨湖登
眺於上湖山之勝悉在目前邑人別駕李枝萼建
石屋山治西北七十里山東面有峒如石屋然寺建於
峒外故名石屋寺其東相連者卽交龍山也

青羊山治北七十里

社名青羊以此

鯉魚山在大黃山南二里狀似鯉魚枕於河上故名與
南岸峯山對峙夾拱黃流若天門然

龍虎山治西北六十五里二山相連康熙二十四年河
院靳大中丞開鑿石閘四洩水名曰天然閘虎山

睢寧縣志

卷一 山川

九

今淤平無跡

互考河防

九頂山治西五十里以九峯相連故名山城環抱內地
寬平四圍古澗陡峻怪石嵯峨亦巨觀也多名人題
咏載藝文志

劉胡山治北七十里昔劉胡將軍寓此故名

馬山治西五十里其形似馬故名上有仙峒石泉

孟山治西南六十里山在湖中此睢寧靈璧接壤之處

睢水由此入睢西界

大花山小花山治西五十里二相連

白路山治西五十里昔仙姑修道於此其往來之路自麓至頂石白如玉

丁字山治西北四十里山形如丁字故名

嵐山在丁字山東二里山巔有寺建樓於其上

小黃山在嵐山東北五里亦有寺建於其巔

官山治西南二十里修城及官廨民居營建石塊皆出於此山

趙耳山治西南三十里上有古寺

荆山在趙耳山東北里許民間營建石塊亦取用於此

睢寧縣志

卷一 山川

十

山

宋家山在趙耳山南三里有舊寺

社名宋家山以此

軸山治西南三十里南臨小河上有二郎廟

大湖山小湖山在官山東二里二山相連

社名湖山以此

仙掌山治西六十里上有仙掌痕尺餘故名

池山治東南四十里山以四面臨河如池故名

社名池山以此

其南半入虹縣界則名赤山

教附

宅墩治東半里每歲迎春於此

金馬墩治南二里隱隱若金馬之形故名

姚兒墩治西南四十里

鞍子墩治東南十七里形似馬鞍故名

史家墩治東二十里

雙古墩在交龍山東首夾澗水對峙陡峻壁立舊志載

係石崇范丹墓

傳疑說見陵墓

已上俱現存其已經沙淤湮沒者不復載

黃河由縣西北七十里自徐州界入縣境

詳見河防

睢水自宿州靈璧東流而下入睢寧界歷孟山潼郡至

睢寧縣志

卷一

山川

十一

子仙鎮經堽頭過廟灣繞縣治後再東抵高作耿車而盡於小河口入黃河自天啓二年崇禎二年黃河衝決沙爲平陸故道遂湮今小河自孟山東下歷縣治南界由找溝而東南入祠堂湖口俗之所謂小河者卽昔睢水也

泗水治北七十里源有四泉故名出山東泗水縣過彭城合沂水歷睢治經下邳入於淮所傳沂泗交流是也後因黃河南徙遂併爲一而沂泗之名不存矣

湖溝

附

孟山湖治西南六十里地勢窪下衆水滙聚遂成大湖
舊志睢水由此湖入睢寧界今小河水道之來如故
可見今日之小河卽昔日之睢水也

孟山湖屬靈壁

白馬莊湖治西北八十里三面鄰山爲衆水所歸故成
大湖西面自花山埧口決河水沙淤其半康熙二十
一年奉河院踏丈起科河租地二十六頃五十三畝
二分一厘每畝編徵銀二分六厘

互考田賦下同

白山湖治西北七十里亦三面鄰山山勢綿亘長遠故
水之滙聚更闊於白馬湖自花山埧口決河水由東

睢寧縣志

卷一

山川

十一

北逆入沙淤大半康熙二十一年奉河院踏丈起科
河租六十二頃二十七畝五分四厘每畝編徵二分
六厘

黃山湖治西北八十里地勢窪下山水滙聚成湖舊近
壽鹿山自花山埧口決河水沙淤西半面今漸偏而
東矣

潼河湖治東南四十里由找溝入小河
找溝治東南四十里
泥溝治西三十里入小河

已上俱現存按舊志大河以南計湖九溝十二其已
經沙淤湮沒者不復載

渡口附

羊山渡一名象山渡治北四十五里舊渡船二隻前邳
睢分府陳公謙吉造年久朽爛康熙五十五年知縣
劉如晏添造馬船一隻五十八年拆造舊船二隻
新河頭渡治東北三十五里舊係戚字堡張林舖二渡
後因五工頭切嘴挑成引河故渡口歸此一處本地
里民募造義渡船一隻今議再添船一隻

姚家渡治東北三十五里南岸屬睢寧北岸屬邳州本
地居民募造義渡船一隻

皂河口渡治東北四十里南岸屬睢寧北岸屬宿遷庠
生袁世壚募造義渡船一隻

彭家莊渡治西北五十里

王家堂渡治西北四十五里里民房孔嘉募造義渡船
一隻義陳社里民請分羊山渡船一隻至此

時家渡治西北五十五里

鯉魚山渡治西北七十里爲南北通衢向係民船過渡

船小且多勒索知縣劉如晏出示禁約捐貲倡募委
貢生李梅周岱監生陳王沃募造義渡船兩隻

祀典

國之大事在祀蓋古人精誠能與神通有默相感召之理故孔子曰祭則受福今郡邑之祭蓋畧矣駿奔走惟一上丁其戊所舉乃土穀山川之神所以生民也治民事神非有二道夫為一邑主者主一邑祭非鬼而祭是謂淫祀勿謂神幽其理甚明明德馨香神必享之志祀典

春秋二丁祭

文廟祭品

睢寧縣志

卷一 祀典

十五

祭帛十九段

每段長三尺

降香一斤

牙香十二兩

末香三兩

大燭一對

重五斤

中燭十二對

每對重二斤

小燭二十六對

每對重半斤

果山十座

高二尺

鹿一隻

折羊二隻

祭猪十一口

每口八十斤

祭羊五隻

每隻重三十斤

兔八隻

膏魚十五斤

醃肉五斤

雞二隻

鴨二隻

魚二尾

米粉肉

以上高盤十座高一尺五寸

饅子

茨菇

薄餅

煎餅

饅首

以上十盃

粳米

糯米

粟米

大麥仁

梁米

以上五飯十盃

薑六斤

笋一斤

芋頭五斤

山藥五斤

芹菜五斤

以上十盃

榛子四斤

芡子四斤

紅棗八斤

睢寧縣志

卷一 祀典

十六

栗子八斤

蜜一斤

花椒四兩

鹽八斤

醬七斤

茴香四兩

庭燎十株

祭酒一罈六海

至聖位前祭品

猪二口

羊二隻

帛三段

爵三晉

降香

牙香

料香

大燭一對

十六豆

鹿脯

羊首

兔

雞

魚

榛子

芡子

菱米

赤棗

栗子 葱 韭 芹 笋

末香 粳飯 果山五座 時果

腥穀五椀 魚鮮肉 鹽肉 雞 鴨

麩飯五椀 饅首煎餅 饅子 茨菇 薄餅

粟飯五椀 粳米梁米 粟米 糯米 大麥仁

素穀五椀 薑菜芹 笋 芋頭 山藥

祝文

惟神德配天地道冠古今刪述六經垂憲萬世茲當

仲春秋式陳明薦暨以

睢寧縣志

卷一 祀典

十七

復聖顏子 宗聖曾子 述聖子思子 亞聖孟子

配

東西兩配祭品同

猪一口 羊一隻 帛二段 爵三晉 料香

牙香 中燭一對

十二豆 鹿脯 羊醢 邊雞 邊魚

兔醢 榛子 芡子 菱米 赤棗

栗子 芹菜 粳飯

東西兩哲祭品同

康熙五十一年八月初六日奉
上諭陞朱子入正殿十哲之次左邊先賢卜子位下

猪一口 帛一段 爵三晉 料香 牙香

中燭一對 豆減配位四

東西兩廡祭品

同兩哲位

啟聖祠祭品

猪一口 羊一隻 帛三段 爵三晉 降香

牙香 料香 中燭一對

餘品俱同 聖殿

睢寧縣志

卷一 祀典

十八

啟聖兩配祭品同

帛一段 爵三晉 科香 牙香 中燭一對

豆同正殿哲位 今各增猪一口

祝文

惟公誕生至聖為萬代帝王師今當仲春秋式陳明

暨以

顏氏子 曾氏子 孔氏子 孟氏子配

文昌祠祭品

帛一段 爵三晉 料香 燭一對 三牲一設

祝文

惟神九天擅化司錄弘仁彰善瘴惡翼我文明

名宦祠祭品

猪一口 帛一段 爵三晉 料香 中燭一對

豆同廡位

祝文

惟神官常大振吏治無私社稷貽休人民頌德

鄉賢祠祭品

同名宦位

睢寧縣志

卷一 祀典

十九

祝文

惟神德重鄉評澤流他郡媲美前修表益後進

師範祠祭品

康熙五十七年知縣劉如晏閱舊志念教職之賢者
入名宦無此例忍其湮沒亦不可增建師範祠三間
于尊經閣之東祀明教諭林德乾顏廣烈黃廷敕訓
導朱曆陳魁本朝教諭姚士墜李嶸瑞

同鄉賢位

祝文

惟公振興文教著績宮墻澤及多士侑以禴嘗

計載新補祭器

康熙五十七年知縣劉如晏教諭費廷宣訓導沈紹藩遵奉 憲檄捐補祭器仍飭教官到任新舊相接同該地方官交代逐一查核如有缺少務令添補方許離任著爲定例

點銅簋四副 重十五斤

點銅簋四副 重十八斤四兩

錫籩三十箇 重四十斤

錫豆三十箇 重六十四斤

頂大錫燭臺一對 重十八斤十二兩

大錫燭臺二對 重十三斤半
中錫臺十二對 重四十三斤

睢寧縣志

卷一 祀典

又十九

大錫香爐二座 重八斤半

中錫香爐十二座 重十八斤四兩

大錫爵三隻 重二斤

中錫爵十八隻 重八斤

小錫爵一百零五隻 重三十七斤

大銅香爐一座 舊存 龍帳一頂

鐘一口 鼓一面

按祭品舊例睢以荒殘之故闕畧者多即有增設考之會典亦多不相符但相沿已久志姑仍之以存舊也俟將禮器樂章悉遵會典訂正另有專刻

附後

戊祭

西壇社稷之神祭品

猪一口 羊一隻 帛二段 爵三晉 降香

牙香 料香 燭二對 十二豆

祝文

惟神品物資生蒸民乃粒養育之功生民是賴

南壇風雲雷雨境內山川之神以本縣城隍配祭品

同西壇位

祝文

睢寧縣志

卷一 祀典

二十

惟神妙用玄機生育萬物奠我民居足我民食

蜡神祭品

附祭南壇之側另搭一棚

料香 燭一對 爵一晉 三牲一設

祠廟 附

上丁上戊之外凡有功德於民而能禦災捍患及忠

孝節義可以砥礪末俗者例得崇祀非此族也不在

祀典

城隍廟

在縣治東南洪武元年知縣汪質創建永樂十五年
縣丞梁鴻修正統五年知縣閔義修成化二十一年

知縣黃守濂修嘉靖三十九年知縣陳嘉畧修
十一知縣申其學修崇二年知縣陳嘉畧修
本朝順治五年署縣事經歷侯昌胤起建正殿三間寢
殿三間東廊五間大門三間康熙三十二年知縣丁
昱修五十年知縣王廷梅修東西廊房五十七年知
縣劉如晏委道士周清真募修創建山門貢生王佩
修寢宮每月
知縣謁朔望

關帝廟

一在東門外萬十二年知縣申其學建崇二年
圯于水十四年知縣高岐鳳復建正殿五間寢殿五
間庫樓二座康熙二十八年知縣劉公裕重建山門
一在南門外順治十六年秦晉商人白乃李思儒
買邑民胡騰起地建正殿三間東建火神廟三間
殿西建大王廟三間西廊五間東大門一間有知縣
石之玫瑰碑記每月
月知縣謁朔望

睢寧縣志

卷一 祀典

土地祠

在儀門外東每月
知縣謁朔望

致祭祝文

惟神正直無私職專土功養育萬物生民是賴

馬神廟

舊祀于署南復初社學知縣申其學建久廢康熙五
十七年知縣劉如晏重建

致祭祝文

惟神國家武備戎馬為先生育蕃息惟神是賴

孝子祠

在縣署南康熙三十六年教諭李嶸瑞建其地係諸生李淳捐五十七年知縣劉如晏重修捐以湫隘改建縣詳祀孝子晉王祥明孫清王公祀名宦附祭上丁今孝子祠以上戊祭

致祭祝文

惟神孝行純至度越等倫莅茲民社望公後塵新舉
祀典肅將明禋春秋勿替興起斯人

忠臣祠

明舊有忠臣祠久廢康熙五十七年知縣劉如晏重建祀忠臣元全文瑞明丘紳金聲袁浩
本朝王相呂李之實共六人

致祭祝文

睢寧縣志

卷一

祀典

二十二

惟神委身許國蒙難艱貞生死不二報答聖明

義士祠

正德七年敕建久廢康熙五十七年知縣劉如晏重建祀明義士朱用之今增明義士王台輔

致祭祝文

惟神浩然正氣取義成仁享祀勿替坊表人倫

節烈祠

在儒學門內東北康熙十六年教諭姚士暨捐建康熙五十七年知縣劉如晏改建行忠臣祠西

致祭祝文

惟氏志堅金石節比松筠名教攸賴化始閨門

壇壝

社稷壇

舊在縣西門外一里洪武九年知縣葉見泰創建有神廚神庫宰牲亭嘉靖三十五年知縣喬鎮修萬曆十三年知縣申其學砌臺一座崇二年河決沒于水入

本朝久未立康熙五十五年知縣劉如晏卜地于城西復建其地係貢生周特捐

山川壇

舊在縣南門外洪武九年知縣葉見泰建其制度與社稷壇同崇二年沒于水後亦未立康熙五十五年知縣劉如晏卜地于城南
年知縣劉如晏卜地于城南
價買邑民胡綸地重建

厲祭壇

睢寧縣志

卷二 祀典

二十三

舊在縣北一里洪武九年知縣葉見泰創建萬十一年知縣申其學因地勢卑下遷于通濟橋之北崇禎二年復沒于水入
本朝久未立康熙五十五年知縣劉如晏卜地西北城隅價買諸生朱培大之地墊令高聳方正
重建為壇

每年三月清明節七月十五日十月初一日祭無主

孤魂以本縣城隍主祭

祭物用羊二豕二飯米三石香燭酒緋隨用

致祭祝文

江南淮安府睢寧縣知縣

某等遵奉

禮部劄付為祭祀本境無祀鬼神等衆事欽奉

皇帝聖旨曰普天后土之上無不有人無不有鬼神人

鬼之道幽明雖殊其理則一是故天下之廣兆民之衆必立君以主之總其大又設官分職於府州縣以各長之各府州縣又於每一戶內設一里長以總領之上下之職綱紀不紊此治人之法如此

天子祭

天地神祇天下山川王國各府州縣祭境內山川及祀典神祇庶人祭祖先及里社土穀之神上下之禮各有等第此事神之道如此尚念冥冥之中無祀鬼神昔爲生民未知何故而歿其中有遭兵刃而橫死者有

死於水火盜賊者有被人取財而迫死者有被人搶奪妻妾而死者有遭刑禍而負屈死者有天災流行而疫死者有爲猛獸毒虫所害者有爲飢餓而凍死者有因戰鬪而殞身者有因危急而自縊死者有墻倒屋頽而壓死者有死無子孫者此等孤魂或終於前代或歿於近世或兵戈擾攘流移於他鄉或人烟斷絕久缺其祭祀姓名泯沒於一時祀典無聞而不載此等孤魂死無所依精氣未散結爲陰靈或依草附木或作爲妖怪悲號於星月之下呻吟於風雨之

中凡遇人間節令心思陽世魂杳杳以無歸身墮沉淪意懸懸而望祭興言及此憐其愴悽故敕天下有司依時祭享在京都有郡厲之祭在王國有國厲之祭在各府州有郡厲之祭在各縣有邑厲之祭期於神依人而血食人敬鬼神而知禮仍命本處城隍以主此祭欽奉如此今^某等不敢有違於某日敬設壇於城北置脩牲醴羹飯專祭本境無祀鬼神等衆靈其不昧來享此祭凡我境內人民倘有忤逆不孝不敬六親者有奸盜詐僞不畏公法者有拗曲作直欺

壓良善者有躲避差徭靠損貧戶者似此頑惡奸邪不良之徒神必達於城隍發露其事使遭官刑輕則笞決杖斷不得號爲良民重則徒流絞斬不得生還鄉里若未發露其事必遭陰譴使舉家並染瘟疫六畜田蚕不利如有孝順父母和睦親族畏懼官府遵守禮法不作非爲良善正直之人神必達之城隍陰加護佑使其家道安寧農事順序父母妻子保守鄉閭靈必無私一體昭報如此則鬼神有鑒察之明官府非諂諛之祭尙饗

里社祭儀

凡各處鄉村人民每里一百戶內立壇一所祀五土五穀之神專爲祈禱雨暘時若五穀豐登每歲一戶輪當會首常以潔淨壇場遇春秋二社預期率辦祭物至日約聚祭祀其祭用一羊一豕酒果香燭隨用祭畢就行會飲會中先令一人讀抑強扶弱之誓其詞曰凡我同里之人各遵守禮法毋恃強凌弱違者先共制之然後經官或貧無可贍周給其家三年不立不使與會其婚姻喪葬有乏隨力相助如不從

睢寧縣志

卷一

祀典

二十六

衆及犯奸盜詐僞一切非爲之人並不許入會讀誓詞畢長幼以次就坐盡歡而退務在恭敬神明和睦鄉里以厚風俗

致祭祝文

惟神參贊造化發育萬物凡我庶民悉賴生殖今茲仲春東作方興謹具牲醴恭甲祈告伏願雨暘時若秋歲事有成五穀豐登官賦足供民食充裕神其鑒知

旗纛之神

每年九月霜降日設棚于西門外演武場知縣同城守營武官致祭卽于是日視操

致祭祝文

惟神三軍司命職掌旗纛指麾將士導揚威武某等

欽承 上命守禦茲土節屆霜降用仲特祭

寺觀附

祀典固有常矣而梵宮道院創自先朝者亦古跡之
僅存也其邑人所建立而不涉於淫祠者俱附焉

崇寧寺

洪武十一年創建在縣署北前火星廟後觀音閣萬十三年知縣申其學改建于縣署東北

大殿五間中殿三間大門三間伽藍殿三間習儀更衣廳三間東西僧舍各十五間原為供奉

龍亭之所崇二年圯于水久廢康熙五十一年城守把總裴超本縣監生朱英燦募建火星廟觀音閣遂

睢寧縣志

卷二 祀典

二十七

為城守住宿之所康熙五十七年知縣劉如晏創建武署令僧會司于寺住持仍奉

龍亭

宗善禪寺

在羊山明成化時內官奉皇后建憲宗賜名宗善

柳將軍廟

在辛安集明嘉靖三十二年敕封得道有感將軍諭祭立廟見藝文

二郎廟

在北門外天順年建

東嶽廟

舊在廟灣正德間洪水衝嚙移其像于二郎廟一在找溝渠

元真觀

在北門內

三皇廟

在找溝集

玉皇閣

在南門外

荆山寺 在宋家山社彭家山

龍泉寺又名堦寺 在黃山社龍泉山

石橋寺 在黃山社石橋山

石屋寺 在董家庄社石屋山

芹溝寺 在芹溝社有磚塔

范家寺 縣治西南四十里

鐵佛寺 在劉家庄社王家崆

百子堂 縣治東北

三官廟 一在縣治西南警民胡滄建
一在魏家集

睢寧縣志 卷二 祀典 二十八

孫家堂 縣治北邑人孫倫建

慈雲庵 在東門外貢生王應坤室人湯氏建

甘露庵 縣治東南生員湯孫將建

蘇息庵 在南門外邑庠生楊武烈施庵基二畝
程萬方建

華嚴庵 在西門外

護國庵 縣治東南二里監生王任久建

太平庵 縣治東南四十里

風俗

古之時風俗成於政教今之時政教因乎風俗蓋古者立國之規模既定子孫世世守之自分置郡縣官以時更易人性各別地氣亦殊剛柔強弱判然相反達於政者善則因之惡則矯之而已睢之風俗尙氣節好武勇其大較也書曰強弗友剛克變友柔克移易之道固自多端志風俗

睢舊稱有四美俗士不逐末女不出遊喪不作樂婚不論財今士卽有躬親販糶者亦田畝所產之粟而經商

睢寧縣志

卷一 風俗

二十九

者絕少女無論鄉城士夫之家閉居深閨類皆以嬉游爲恥婚禮紳士從未有論財者貧民往往有之惟喪禮富厚之家率以優俳相尚漸失其故矣

禮制

婚禮初以媒聘結姻將娶先請女命年庚次告期俗謂之通信及期壻親迎於女家人門夫婦同拜天地飲合巹杯三日行廟見禮謁祖先拜見翁姑畧倣古制而六禮之行則以貧富爲奢儉云

喪禮棺槨衣衾稱家之有無士夫之家有遵文公家禮

不作佛事者然亦十之一二而崇尚浮屠以做齋修經
爲觀美其大槩然也

祭祀祭外神於廟祭祖先於塚三月清明日七月十五
日十月初一日歲終除夕民間各拜祭墳墓惟冬至則
祭始祖不敢忘所自也

睢民愚悍樂於爭鬪而婦女輩更自輕生漸染成俗久
矣自知縣劉如晏莅任力禁打降婦女自經者驗明卽
令掩埋其風漸息

睢俗健訟士類亦有之佐貳官往往以此中傷而善良

睢寧縣志

卷一

風俗

三十

之家被其害者尤甚康熙五十六年知縣劉如晏以訟
師訟棍列名詳聞於上力加禁抑近來畧知所懲

睢民憚於遠涉經商者少農事亦惰又河水泛溢田地
荒蕪者多康熙二十五年知縣謝乃實親歷郊野勸課
農事見有枕鋤眠於田畔者立責懲之此誅一儆百之
意也近則民知重農貴粟康熙五十五年知縣劉如晏
歲督民築堰以防西水田亦熟多荒少稍愈於昔矣

節序

正月元旦五更陳牲醴紙馬祭天地及衆神祭畢放火

炮明大學士沈鯉有疏奏云庶民不得祭天地准庶民見天子之禮可以叩天子而不敢有獻於天子元旦時但於天井中空中一叩而已此禮當遵而行之
元宵燃燈放花炮亦有約會放烟火者
十六日男婦出門過橋頭名曰走百病
二月二日撒青灰圍倉困以爲豐收之兆
清明節插柳於門同人約會踏青是日祭埽墳墓
端午日插艾於門食角黍小兒繫五色絲
十三日祀關帝

睢寧縣志

卷一

風俗

三十一

六月六日晒衣

七月七日婦女設瓜果乞巧

十五日祭墳墓

中秋造月餅賞月

重九日登高飲茱萸酒

十月初一日祭墳墓

冬至日祭始祖

臘月初八日食臘八粥

二十四日設糖餅祀竈神俗以爲上天庭奏人間善惡

云

除日祭墳墓換門神桃符是夕放火炮謂之驅疫燃燈
飲椒酒家人圍坐名曰守歲